

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 1111226 24 I
Sarajevo, 29.05.2025. godine

Općinski sud u Sarajevu, sudija Anja Laštro, u pravnoj stvari tražitelja izvršenja V.-Đ. Z. iz Kaknja, koju zastupa punomoćnik Semir Mušija, advokat iz Sarajeva, protiv izvršenika H.O. iz Vogošće, radi naplate novčanog potraživanja u iznosu od 351,00 KM, izvršenjem na pokretnim stvarima izvršenika, van ročišta, donio je dana 29.05.2025. godine, sljedeći:

ZAKLJUČAK
o prvoj prodaji pokretne stvari

1. Određuje se PRVA PRODAJA pokretnih stvari izvršenika Hadrović Omera:

- TV PHILIPS crne boje 43“ procijenjena vrijednost.....200, 00 KM
- Komoda bijele boje 2m procijenjena vrijednost.....200, 00 KM
- Klub stolić bijele boje procijenjena vrijednost.....150, 00 KM

i to putem usmenog javnog nadmetanja na dan 04.07.2025. godine, u 09,45 sati, u zgradi Općinskog suda u Sarajevu, soba broj 454-IV sprat.

2. Konstatuje se da je vrijednost pokretnih stvari iz tačke 1. ovog zaključka određena zapisnikom ovog suda od 09.02.2025. godine u ukupnom iznosu od 550,00 KM.

3. Najniža prihvatljiva ponuda po kojoj se predmetne stvari mogu prodati je 1/2 (jedna polovina) utvrđene vrijednosti svake pojedine stvari.

4. Ponuđač sa najvećom ponudom dužan je platiti cijenu odmah nakon objavljivanja rezultata na ročištu za prodaju. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom;

5. U slučaju da ni jedan ponuđač ne plati cijenu, sud će na zahtjev jedne od stranaka, oglasiti da ročište za prodaju nije uspjelo, a svaka stranka može tražiti u roku od 8 dana zakazivanje novog ročišta.

6. Sud će postupak obustaviti ako stranka ne predloži održavanje novog ročišta za prodaju u roku iz tačke 5. ovog zaključka, ili ako se stvari ne uspiju prodati ni na drugom ročištu za prodaju;

7. Ovaj zaključak o prodaji objavit će se na oglasnoj tabli suda, a tražitelj izvršenja ga može objaviti i u javnim glasilima, o svome trošku.

Pouka o pravnom lijeku:
Protiv ovog zaključka nije dozvoljen pravni lijek.

Sudija
Anja Laštro